

Broj: 03-04-908-8/2025
Sarajevo, 17.10.2025. godine

PARLAMENT FEDERACIJE BOSNE I HERCEGOVINE

Predstavnički dom

gosp. Damir Nikšić, poslanik
gosp. Ivan Miličević, sekretar ✓

Predmet: Odgovor na poslaničku inicijativu

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 20-10-2025			
Org. jed.	Broj	Priloga	Vrijednost
05/1	- 02 -	467	125

Poštovani,

U prilogu Vam dostavljam akt Federalnog ministarstva okoliša i turizma, broj: 07/1-19-10-694/25 od 13.10.2025. godine, koji sadrži odgovor na inicijativu, koju je podnio Damir Nikšić, poslanik u Predstavničkom domu Parlamenta Federacije Bosne i Hercegovine.

S poštovanjem,




Prilog: kao u tekstu

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FEDERAL MINISTRY OF
ENVIRONMENT AND TOURISM

Broj: 07/1-19-10-694/25
Datum: 13.10.2025.godine

Bosna i Hercegovina
Vlada Federacije Bosne i Hercegovine
Sekretar Vlade Edita Kalajdžić
Hamdije Čemerlića 2.
Sarajevo



Predmet: Zastupnička inicijativa; - dostavlja se;

U vezi s predmetom broj: 03-04-908/2025 od 24.09.2025. godine, kojim je Federalno ministarstvo okoliša i turizma zaprimilo zastupničku inicijativu poslanika u Predstavničkom domu Parlamenta Federacije BiH, g. Damira Nikšića, a koja se odnosi na pokretanje pilot-projekta subvencionisanog otkupa plastike s ciljem smanjenja zagađenja rijeka i unapređenja sistema upravljanja otpadom, obavještavamo Vas slijedeće:

Važećim Zakonom o upravljanju otpadom („Službene novine Federacije BiH“, br. 33/03, 72/09, 92/17 i 72/24) i pripadajućim podzakonskim aktima, uspostavljen je sistem upravljanja ambalažom i ambalažnim otpadom putem ovlaštenih operatera sistema. Ovlašteni operateri, u ime obveznika sistema (uvoznika, proizvođača i distributera), organizuju prikupljanje, reciklažu i zbrinjavanje ambalažnog otpada.

Obveznici sistema dužni su uplaćivati naknade za upravljanje ambalažom i ambalažnim otpadom u skladu s Uredbom o kriterijima za obračun i način plaćanja naknada za proizvode koji nakon upotrebe postaju ambalažni i električni i elektronski otpad („Službene novine Federacije BiH“, broj 104/22), (u daljem tekstu Uredba).

Naime, članom 8. stav (1) Uredbe propisano je da obveznici plaćanja naknade plaćaju dvije vrste naknada – naknadu za upravljanje otpadom i opću naknadu. Stavom (2) istog člana propisano je da „Opću naknadu Fondu plaćaju svi obveznici izveštavanja jednom godišnje pri podnošenju godišnjeg izveštaja, u iznosu od 30 KM“, dok je stavom (3) propisano da „Obveznici plaćaju naknadu za upravljanje ambalažnim, električnim i elektronskim otpadom Fondu ili operateru sistema“.

Na osnovu ovih odredbi, sredstva prikupljena putem navedenih naknada uplaćuju se u Fond za zaštitu okoliša Federacije BiH, koji ih koristi isključivo za projekte zaštite okoliša. Na ovaj način prikupljena sredstva služe direktnom unapređenju sistema upravljanja otpadom i zaštiti okoliša, a ne za druge svrhe.

Shodno navedenom, model subvencionisanog otkupa plastike (povratne naknade za plastičnu ambalažu), kakav se primjenjuje u većini zemalja Evropske unije, nije moguće implementirati u Federaciji BiH u okviru postojećeg zakonodavnog okvira, budući da je u Federaciji uspostavljen drugačiji pravni i institucionalni mehanizam.

Ipak, imajući u vidu da je u toku izrada novog Zakona o upravljanju otpadom Federacije BiH, ovo ministarstvo će u okviru tog procesa razmotriti sve inicijative koje mogu doprinijeti unapređenju sistema i postizanju višeg stepena zaštite okoliša, uključujući i prijedloge koji se odnose na dodatne modele poticanja sakupljanja plastike.

S poštovanjem



Dostaviti:

- Imenovanom
- Dokumentacija